



kat.komp.

22057

III Mog. St. Dr. P.

*Podgurski Samuelis Joannis: Accrementum nominis  
magni in decremento vitae.*

PANEG. et VITAE

Polon. Fcl.

N. 1650.







ACCREMENTUM  
NOMINIS MAGNI,  
IN DECremento VITÆ,

*Perillustis olim, Clarissimi, & Admodum Reverendi Domini,*

D. M. JOSEPHI  
WISNIEWSKI,

Collegæ Maioris, S. Th: Baccalaurei, Eccle,  
siæ Collegiata S. FLORIANI Florentiæ ad Cracoviam  
CANONICI, Contubernij Laurentiani Provisoris,  
Viri de Universitate Studij Generalis Craco-  
vienſis meritissimi,

DVM EI,

Iusta Funebralia, in Ecclesia Collegiata  
S. ANNÆ,

Magno omnium dolore persolverentur,

A

M. SAMUELE JOANNE PODGURSKI,

*Philosophia Doct: & Professore, Collega Majore Vocato, S. ADAL-*  
*BERTI Præposito, in Ecclesia Archipresbyterali B. M. V. in*

*Circulo Crac: Penitentiario Radyminsciano,*

*S. R. M. Secretario.*

Dolenti Pennâ,

DELINEATVM

ac in memoriam Tanti Viri

DEMONSTRATVM.

Anno Domini, 1703. 15. Maj.

CRACOVIAE, Typis ACADEMICIS.

22057/III

7. XII. 10. 6



# ACCREMENTUM NOMINIS MAGNI, in decremento Vitæ.

**I**ncrementa mortalis vitæ, decrementa esse,  
non ex folio Sybillæ, sed experimento didicimus.

Ingentia annorum spatia,  
suos Nestores citiùs ad fata ducunt.

Nec ociùs properatur ad lethum,  
quàm dum matura ætas, tardo cucurrerit pede.  
Nempe ex eodem ubere vitam & mortem fugentes,  
crescimus, ut decrescamus,

Ectypum Lunæ gerimus,  
quæ quo magis impletur, magis à fonte lucis recedit:  
& quæ niveum dat vîla decorem hodie,  
cras sub inimica nube squallet.

Adeò & nostræ luci  
nocet interpositio Vmbræ terrestris.

*Caterùm, licet vita summa brevis, spem nos veter inchoare longam;*  
ingentes tamen annos, virtutis impetus spondet.

Hæc ævo coæva,  
decrecente ætate, crescit in immensum.  
Divinum enim hoc germen, marcere nescium,  
perpetuum sortitur Majum:  
quia radices fixit in Terra viventium.

Arbor Vitæ est,  
quæ mortalibus succum immortalitatis propinat,  
Eiu. fructu saginata ingentes animæ,  
toxica Libitinæ rident.

Gemat sanè sub sua Enceladus Ætna,  
& magnitudine sua parvitatem monstret;  
Viri tamen Sapientes, tunc magni esse incipiunt,  
quando minuuntur.

Illi sunt velut prostratæ turres,  
maiores apparent, quàm stetere.  
Ita certè Spatiosum Virtutis Nomen est,

ut à



ut à sola æternitate queat mensurari.  
Magnitudo Nominis in bono Viro, tunc extenditur,  
quando angustijs premitur Parcarum.  
Tale Ethymon, ingentibus meritis auctum,  
rorido vultu spectat Academica Niobe

*in Perillustri olim, Clarissimo & Admodum Reverendo Domino,*

**M. IOSEPHO WISNIOWSKI,**  
Sac: Theol: Baccalaureo, Collega Maiore, Ecclesiæ  
S. FLORIANI Canonico, &c.

Natale illi solum Vrbium Sarmatiæ Regina Cracoviâ,  
ut Princeps locus ad magna Natum demonstrâset.  
Quippe & Patria, ad Virtutes non levis stimulus est.  
Novimus aliquos gloriatos fuisse,  
quòd Romæ vel Athenis nati essent.

Sanctior Tethys Ecclesia, hunc Achillem suum,  
ut telis Paridis infernalis invulnerabilis esset;  
ablutum non Stygijs sed lustralibus undis,

Sacræ Berecynthiæ Vniversitati Cracoviensi educandum tradidit.

Hic verò quid accrescenti Filio IOSEPHO oggannis Socordia?  
ignavorum Numen Vacuam,  
nulla Victimâ placavit Noster Theopompus.

Superos olim Consilium egisse in aurora gnarus,  
Leucothoën Sapientiæ Nuntiam colebat.

Alij Poëticas fabulas elato supercilio temnentes,  
in Orbis fabulam abiêre:

Ille sub cortina hac magnas veritates indagavit.

Philosophia gentium hoc involucro velata,  
per illum in apricum egressa,  
maximam veri partem aperuit.

Suadæ cultioris copiam exasse complexus,  
cùm omnes tropos apprimè cognoverit,  
solam Metaphoram in moribus nunquam præsetulit.

Veri Sapientis utrobiquè Vestigia secutus,  
factis dicta probavit.

In Philosophia, ipse apodicticum argumentum fuit,  
in modo directo omnigenæ Virtutis.

Natura illi principium Motûs & Quietis,



illius in labore, huius in DEO.  
Imò Eum ipsum dixisses Ens abstractissimū fuisse ab omni materia,  
qui materiam, appetentem plurimas vanitatum formas, abhorruit.

In affectibus didicit Monarchicum Imperium,  
nullam politiem meliorem arbitratus,  
quàm dum omnes passionēs Reginæ animæ obedirent.

Hinc etiam Ethycum nosce,  
cui actio Virtutis pro scopo fuit.  
Porro omnis illi in Moribus Comitas,  
Comites Laureas adsciuit.

Vtrâquē ergo Laureā redimitus,  
quia Divinarum humanarumq; rerum notitiam benè investigavit.  
Inter Collegas Minores, tandem Majores cooptatus,  
quorum iam antea Collega fuit Virtute & Doctrinâ.

Verùm audi Calamē Cælestem Vraniam!  
non IOSEPHVM in Ægypto degere censueris,  
qui Terram promissionis tot scriptis delineavit.

Certè ille in terris cælestis homo,  
ut se omnibus numeris absolutum demonstraret,  
etiam Motus Cælorum ad Numeros revocabat.  
Defecisse iam visi fuerant nostri Atlantes improbo livori,  
quibus fata Cælum diutiùs portare negaverant;  
at, ut suffectos vidit geminos Alcidas,  
Polinodiam cecinit.

Horum unus Sequacium copiâ stipatus,  
adhuc Harmoniam Cælestem theoricè auscultat:  
alter, quem Musæ lugent, ex suis Ephemeridibus, annos æternos  
& Prognostycon salutis meretur.

Cyrrham ne fatiges ô Geni!

WISNIOVIUS Lechicus Archimedes fuit,  
Cælum non in crystallo, sed in mente purissima fabricavit.

Optimus Geometra,  
qui se pede metiri suo quemlibet docuit.  
*Nempe facilius est, etiam latissimis ingenijs,  
ingentia metiri spatia, quàm suas angustias.*

Attende Geni.  
Accretionem Magni Nominis spectâ purpuratam,  
Decanale Ostrum.



in Rubicone sudorum purpuravit IOSEPHVS;  
ut ipsa oppugnantium discordia expallescere.  
Profitentium labores, suis laboribus signavit.

Ex eo Facultatis Princeps;

quod omnes iugi lucubratione anteiret.

Hic iam Divinior Pallas Theosophia,  
maturum ad Laureas Theologicas IOSEPHVM,  
quid ex humanis cessasse miraris?

Olim Philosophicum, postea Moralem & Sacramentalem Cursus  
consumando,

Coronam iustitiæ in Cælo prensare maluerat.  
ex diminutione hac, crescere Eum oportuerat.  
Dulce sit alijs intelligentibus phantasmata speculari,  
ille ad intima Maiestatis admitti anhelavit,  
quia IOSEPHVS.

Angelici Doctoris Sententiam amplexus,  
ut quid amplius inter homines morari debuerat?

*Cui Patria dulcis est, odit exilium:*  
tum se credens crescere, cum mundo decrevisset.

In Majo translata est arbor fructuosa,  
quidni eam susceperit Agricola cælestis?  
cui semper protulit in pauperes grossos suos.

Ossa IOSEPHI,

cum in terram promissionis hic & nunc transferri non potuissent,  
saltim animam transportari curavit pietas.

Non integrum tamen exinde abiisse credideris:

Stat Magni Nominis Umbra in meritis;  
assurgunt Colossi Virtutum.

Laurentianum Contubernium,

Eius Curâ ex ruinis accrescens,  
eum, suorum Provisorum Phœnicem deprædicat.

Ita Laureatum Nomen Fundatoris pientissimi,

Iosepho cultore reffloruit.

Ipsæ Divinus Heros FLORIANUS,  
an non Majum accidentalis sui honoris in illo sortitus est?  
ne Legioni suæ Nervus belli & Annona deficerent,  
industria Iosephi operata est.

B

Trophæa



Trophæa illius Sacra in maiori Altari,  
ex ligneis fecit deaurata.

Candorem erga Patronum ut demonstraret,  
totam Ecclesiam reddidit Candidam.

Summa Divinorum cura, quid amplius de IOSEPHO loqui potest?  
quàm sui Nominis Anagramma: Oh Pius es!

Labores Viri immensos,  
ne Hercules quidem superaverit:

Monstra ille edomuit,  
sed quid monstro affectuum horribilius?  
rarus est, qui istam Lænam triumphet,  
triumphavit WISNIOVIVS.

Vnicum in ipso Vitium Mundus suspexit,  
quod omne Vitium odisset.

Veritatis Vindex acerrimus,  
etiam ægerrimos animos ipsius cauterio sanabat.

Orij iuratus Hostis,  
etiam moriturus Lektionem Scripsit,  
ne Libitina otiosum deprehenderet.

Sacramenta, Salutis humanæ instrumenta,  
exactissimus illorum Professor, ita explicuit:  
ut nullam Mysterium reliquisset.

Cum ægritudine non diu luctatus est,  
quia amor impatiens moræ fuit.

Quis enim Iosepho in Mundi Ægypto  
diutius manere persuasisset?

Augmentari voluit pius animus,  
qui hactenus luteo vase premebatur.

Maneant hic imbecilles animæ;

*quas suus delectat carcer;*

*mens celo cognata, pennas columba petit ad volandum.*

Intra Octavas S. STANISLAI abiit è vivis,

Vir perfectus ut Octo,

ut cum Stante laudo, suo Pontifici assisteret Canonicus.

Exacto igitur Quinquaginta sex annorum,  
meritorum maximo curticulo;

in Porta Æternitatis consistens Theologus Professor,  
ubi lumina clausit, Tractatum de Visione inchoavit.



Tu Alma Virtutum & Scientiarum Magistra  
Vniversitas Cracoviensis,

tam difficili negotio ut Sacras ad aras præbeas adminiculum,  
animus ultimæ felicitatis anhelus precatur.

Sed anticipas Vota ô Mater Pientissima!

Collega Tuus Maior,  
ut in Collegio cælesti Laureas quas meruerat, colligat;  
laureatis inferijs suffragaris.

Hoc ipso mæstum solata Genium,  
quod non totus tibi per fata eripiat.

*Nescia mori post funera Virtus,*  
in suis meritis, & cordibus Fratrum perennabit.

Nec iustiales flammas hic metuet Anchises,  
quem tot pij Æneæ, non in humeris, sed pectoribus portant:  
*Imò cum omni tempore diligit, qui verè amicus est;*

Paternus Fraternalisque affectus vester,

Magni Præstitis Ultimæ Voluntatis,  
*Perillustres, Clarissimi, & Admodum Reverendi Domini,*

**D.M. PETRE PRACZLEWIC,**

S. Th: Doctor & Professor, Collega Maior, Ecclesiarum  
Collegiatarum, S. FLORIANI Florentiæ ad Cracov: &  
Pilecen: Decane, Prosovicen: Præpositæ, Con-  
tubernii Hierosolymitani, & Scholarum No-  
vodvorscianarum Provisor, per Diœcesim  
Cracov: Librorum Censor.

**D.M. MARTINE OSLINSKI.**

S. Th: Baccalauree, eiusdemq; super Controversiis Fi-  
dei Professor, Collega Maior, ad S. Florianum Ca-  
nonice, Petriciane Historiographie,

Quia tantis benevolentiae vinculis Defuncti Animam ligat,  
in æternam libertatem asserit.

Ipsa Remuneratrix bonorum Divina Providentia,  
hæc sollicitudinis Vestrae argumenta,  
copiosis felicitatis coronabit accrementis.



Porro, quodd fera pessima devoraverit Filium Accrescentem,  
nullus lugeat Iacob;

feros ille reviviscet in Annos, in Regione Vivorum.

Othodoxis mori, obdormire est;

quos Primitiæ dormientium CHRISTUS,


in æternam Vigiliam excitabit.

Et quia ex eius infiniti valoris meritis,

omnis nostra impletur inopia;

decrescenti IOSEPHO, fiat æternæ salutis

**A C C R E M E N T V M.**



*Quotquot sunt artes, non est præstantior ulla  
Quàm bene felici, discere morte mori.*

Permissu Magnifici Domini,  
**R E C T O R I S.**

*7. x. 11. 26.*



Biblioteka Jagiellońska



stdr0016577



